

Satan and His Two Allies



SABATHA MANTSIBOEA

Bakeng sa thuto ea Beke ena, Bala:

Tšenolo 13, Tšen. 17:8, Dan. 7:24, 2 Ba-Thess. 2:2–12, Tšen. 12:14–16, 1 Marena 18:38.

Temana ea Khopolo:

“Me drakone ea halefela mosali, ’me ea tloha ho ea loantša masala a leloko la hae, e leng ba bolokileng litaelo tsa Molimo, ba nang le bopaki ba Jesu Kreste” (Tšenolo 12:17).

Tšenolo 12 e qetella ka setšoantšo sa Satane ea halefileng ea lokisetsang ho loantša batho ba tšepahalang ba Kreste. Khaolo ea 13 e mo hlahisa a itokisetsa ntoea ea ho qetela, empa ka thuso ea baetsana ba babeli, bobeli ba hlaisoang e le libata tse tsabehang. Ba latolang boraro ba bomolimo (sheba Tšen. 1:4–6), matla ana a mararo a etsa boraro bo kopaneng bo sa halaleleng ho hanyetsa liketso tsa Molimo tsa topollo le ho leka ho hapa tšepo ea lefatše.

Lentsoe la tlhokomeliso le ea hlokeha. Ho fihlela joale, re sebetsana le boporofeta bo seng bo phethahetse. Ho tloha joale re tlo shebana haholo, e seng ka ho khetholoha, le boporofeta boo e leng hona bo tla phethahala. Ka bona, Molimo o re bontša se tla etsahala nakong ea ho qetela hore re tle seke ra makala.

Re lokela ho hopola, leha hole joalo, leha boporofeta bona bo re bolella se tla etsahala qetellong, ha bo re bolelle hore na neng le hore na ke joang liketsahalo li tla etsahala. Re lokela ke hona, ho ba hlokolosi ho se bolele ho feta seo boporofeta bo re bolellang sona. Re se ke ra lebala hore boporofeta ba Tšenolo bo na le sepheo se utloahalang: ho re ruta hore na re phele joang kajeno le ho itokisetsa bokamoso.

**Ihute thuto ea beke ena ho lokisetsa Sabatha, 2 Hlakubele.*

Sebata se Nyolohang Leoatleng

Bala Tšenolo 13:1–4, 8 le Tšenolo 17:8. Ke limelo life tsa sebaka see, 'me ke likarolo li fe tsa boteng ba sona?

Johanne o shebella ha sebata se tšabehang se nyoloha ho tsoa leoatleng. Leha sebata se emela matla a sepolotiki, tlhaloso ea sebata se nyolohang leoatleng e supa matla a kopantseng bolumeli le sepolotiki. Leoatle le emela maemo a befileng a sechaba le sepolotiki a ileng a latela ho oa ha puso ea Roma (sheba Dan. 7:2, 3, 23, 24).

Johanne o hlalosa sebata ha se tsoa metsing. Sebata se na le lihloho tse supileng le manaka a leshome, hantle feela joalo ka drakone e ho Tšenolo 12:3, ho bontša khokahano lipakeng tsa bobeli bona. Lihlohong tsa sebata sena ho ngoliloe lebitso le nyefolang, 'me manakang a sona ho na le meqhaka ea borena. Lihloho tsa sebata ke matla ao Satane a a sebelisitseng ho hlorisa bana ba Molimo naleng eohle (sheba Tšen. 17:9–11). Lebitso le nyefolang le supa divine title eo Sebata se iphang eona. Manaka a leshome a supa ho Daniele 7:24, a emetseng lichaba tse ileng tsa hlaha ka mora ho oela ha puso ea Roma. Limelo tsena li supa karolong ea mopapa ea puso ea Roma.

Hang ha sebata se tsoa metsing, se tšoana le lengau, le bere, le tau. Ka ho ba joalo, sebata se kopanya limelo tsa libata tse 'ne (litšoantšo tsa mebuso ea lefatše) ho Daniele 7:2–7: Babylona, Medo-Persia, Greece, le Roma (Dan. 7:17). Leha hole joalo, Johanne o li thathamisa a khutlela morao, a bontša hore sebata se nyolohang leoatleng se amana le sebata sa bone sa Daniele 7, 'muso oa Roma. Drakone e ile ea fa sebata matla a eona, le terone, le borena bo boholo. Joalo ka ha Ntate a fane ka terone ea Hae le matla ho Krete (Tšen. 2:27), ka hoo Drakone e hlomamisa sebata e le moromuoa le moemeli oa hae lefatšeng. Sena se tiisa taba ea hore sebata se nyolohang leoatleng ke setho sa bobeli sa boraro ba Satane, se ikemiselitseng ho nka sebaka sa Jesu Krete likelellong le lipelong tsa batho.

Tšenolo 13:5 e bolela hore nako ea mosebetsi oa sebata ke likhoeli tse 42 tsa bopofrofeta kapa matsatsi a 1,260, ho bolelang lilemo. Karolo ena e qetella ha e 'ngoe ea lihlooho tsa sebata e ba le leqeba le bolaeang, le bakang lefu la nakoana la sebata. Ka ho fola ha leqeba sebata se khutlela bophelong. Sena se makalloa ke lefatše 'me le khumamela bobeli drakone le sebata.

Tšebetso ea Sebata se Nyolohang Leoatleng

Joalo ka ha re bone maobane, Tšenolo 13:5 e bua ka nako e itseng ea litlhoriso. Likhoeli tse 42 tsa tšebetso ea sebata ke nako e tšoanang le matsatsi a 1,260 a ho hlorisoa ha mosali/kereke ho Tšenolo 12:14. Matsatsi a boporofeta a ema e le tšoantšetso ea lilemo. Selemo sa A.D. 538 se tšoaea hantle, ho qala ha nako ena ea boporofeta, ha kereke ea Roma, ka mopapa e le hlooho ea eona, e ipeha e na le matla a maholo mo e neng e bysa lefatše la bophirimela. Liketsahalo tsa nchafatso ea For a li ile tsa etsa leqeba le bolaeang ho sebata ka A.D. 1798, ka hona ea tlisa puso ea khatello ea kereke le bolumeli bo susumetsoang ke puso qetellong ha nakoana.

Bapisa Tšenolo 13:5–8 le Daniele 7:24, 25 le 2 Ba-Thesalonika 2:2–12. Ke ka tsela efe tšebetso ea sebata se nyolohang leoatleng e bonahatsang tlhaloso ea lenakana le motho oa sebe?

Tšebetso ea sebata nakong 1,260 ea boporofeta e boleloa ka linyefolo. Testamenteng e Ncha, ho nyefola ho ka bolela ho batla boemo bo lekanang le ba Molimo (Johanne 10:33, Matt. 26:63–65) le tokeno eo e leng ea Molimo (Mareka 2:7). Linyefolo tsa sebata se nyolohang leoatleng li lebisitsoe ho “Molimo, ho nyefola le lebitso la hae, le tabenakele ea oona, le ba ahileng leholimong” (Tšen. 13:6). Bolulong ba Molimo ke tabernakeleng e leholimong, moo Kreste a sebeletsang molemong oa pholo ea rōna. Sebata se nyolohang leoatleng se latola mosebetsi oa bobuelli oa Kreste ka ho u nkela sebaka ka mokhoa oa batho o ipolelang o khona ho sebeletsa pholoho le ho tšoarela libe, liketso tseo e le linyefolo tsa bo tsona.

Tšenolo 13 e supa nako ea bokoenihi bo boholo ka hara kereke ea Bokreste, bo ileng ba phethahala ha kereke ea puso ea Europo e bophirimela, tlasa tataiso ea Roma, e nka boemo le litokelo tsa Molimo mopapa e le hloho ea teng. Bosebetsi ba pheko ba Kreste tabenakeleng ea leholimo ba nkeloa sebaka ke boprasta ba kereke. Ba hanang ho ba tlasa Roma ba ba le maiphihlelo a litlhoriso le ho bolaoa. Leha kajeno lipolelo tse joalo li nkoa li hlaba, le ho qojoa, se teng ha joale se ke ke sa hlakola nalane, ho sa natsoe hore ba batho ba bang ba ka lakatsa ha kae.

Ke joang re lungang botšephehng ba boporofeta ba nalane ea kereke, 'me ka nako e tšoanang, re be mosa le kelo-hloko ha re bolela linnete tsee ho ba bang?

Sebata se Nyolohang Lefatšeng

Karolo ea pele ea Tšenolo e hlalosa matla a mengoaha karolong ea pele ea Tšenolo 13 e hlalosa lilemo tsa ngoaha-khola ea bohareng e neng a le tšebetsong ka nako ea matsatsi/lilemo tse 1,260. Ka liketsahalo tsa nchafatso ea Fora, mofuta ona oa bolumeli-polotiki o ile oa fumana leqeba le bolaeang. Leha hole joalo, leqeba leo le bolaeang le ile la fola, 'me la khutlisetsa matla ana bophelong. Karolo ea bobeli ea khaolo e hlalosa hore na ke joang ho fola ha leqeba le bolaeang la sebata ho tla etsahala kateng.

Tšenolo 13:11. Ke limelo li fe tsa sebata sa bobeli? Ka leseli la Tšenolo 12:14–16, ho boleloa eng ka bohlokoa ba taba ea hore sebata see se nyoloha lefatšeng?

Johanne o bona sebata se seng se nyolohang lefatšeng. Sena se supa sebateng sa bobeli e le matla a mofuta o tšoanang le oa pele. Leha hole joalo, ho fapana le sebata sa pele, se neng se na le ponahalo e tšabehang, sebata se nyolohang lefatšeng se na le ponahalo e se nang kotsi. Se na le “linaka tse oeli tse kang tsa konyana” (Tšen. 13:11). Konyana ho Tšenolo ka ho khetholoha e tšoantša Kreste. Ka hona, matla ana a nako ea ho qetela a na le pnahalo e kang ea Kreste. Matla ana, emetsoeng ke sebata se kang konyana se nang le botsoalle le kereke, se nyoloha tikolohong e ileng ea sireletsa mosali/kereke metsing a sekhohola a drakone qetellong ea matsatsi a 1,260 a boporofeta (Tšen. 12:14–16). Ho hlakile hore ke sebakali se secha ponong, se nyolohang e le matla a busang lefatše ka mora hor sebata se nyolohang leoatleg se fumane leqeba le bolang nakong ea liketsahalo tsa nchafalo ea Fora, ho bolelang hore lke sebakali sa nako ea ho qetela.

Temana e bontša leha hole joalo hore, matla ana a kang konyana, qetellong a qala ho bua joalo ka drakone, joalo ka diabolose ka sebele. Matla ana a nako ea ho qetela e tla se sebelisoa se tla leka hor lefatše lohle le khumamele sebata sa pele, se ileng sa fumana leqeba le bolaeang. Sena se bontša hore tikoloho eo ka mora mengoaha ea bohareng, eo ka nako e 'ngoe e ileng ea fana ka tšireletso ho kereke, boemong bo bong e tla bapala karolo ea bohlorisi liketsahlong tsa nako ea ho qetela. “Ke sechaba se fe Lefatšeng le lecha seo ka 1798 se neng se nyohlhela matleng, se fana ka tšepiso ea matla le bohola, le ho hapa khoheli ea lefatše? Papiso ena ha ho tika-tiko ha ho shejoa seo e se supang. Sechaba se le seng feela, se lumellana le litlhaloso tsena tsa boporofeta; li supa ntle le phoso ho linaha tse kpaneng tsa Amerika (United States of America).” —Ellen G. White, *The Great Controversy*, p. 440.

Ha United States pele ha e ne fumanoa e le sebata sena, e ne e le hole matla le tšusumetso eo e nang le eona ha joale. Taba ee e re thusa joang ho tiisa ho fumanoa ha United States e le matla a boleloang boporofeteng?

Setšoantšo sa Sebata

Bala Tšenolo 13:12, 13. Ke joang 1 Marena 18:38 le Liketso 2:3 li re thusang ho utloisisa semelo sa ho thetsa sa sebata—e kholo haholo ea tsona e leng ho nyolla le ho theola mollo leholimong?

Nakong ea ho qetela sebata se kang konyana se qala ho etsa matla a sebata sa pele, ka hona se sebetsa ka tsela ea Moea o Halalelang. Joalo ka ha Moea o Hlalelang o sebetsa ka matla a Kreste, ho supa batho ho eena (Johanne 15:26), matla ana a lefatše a etsa ka matla a sebata se nyolohang leoatleng, ho supa batho ho sona. Joalo feela ka sebateng sa pejana, sebaka se kang konyana se etsa hore batho ba lefatšeng ba rapele sebata sa pele. Temana e bontša hore sena se tsamaisana le ho fola ha leqeb le bolaeang la sebata. Ke joang sebata se kang konyana se ka etsang hore lefatše le rapele sebata se nyolohang leoatleng? Qalong ka tšebeliso ea mehlolo e le mokhoa oa tšusumetso (Tšen. 13:13, 14), le boemong ba ho qetela, ka tšebeliso ea matla (tšen. 13:15–17).

Ho fola ha leqeba le bolaeang la sebata se nyolohang leoatleng ho supa ho khutla ha mokhoa oa bolumeli oa mengoaha ea bohareng. Ka mokhoa oa mehlolo, sebata se kang konyana se susumetsa baahi ba ho etsetsa sebata sa pele se ileng sa fumana leqeba le bolaeang setšoantšo. Setšoantšo ke papiso ea ntho ea sebele. Lefatše le tla etsoa hore le etse mokhoa oa bolumeli o tla etsisa, ka litsela tse itseng, oa mengoaha ea bohareng. Batho ba tla amohela mehlolo eo ea thetso e le ponahalo ea matla a bomolimo. Ha matla a puso le bolumeli a kopana ho susumetsa bolumeli holima batho, ka hona setšoantšo sa sebata se tla be se entsoe.

Bala Tšenolo 13:14, 15, e be u ela hloko puo e nkiloeng ho tsoa ho Genese 2:7 ho hlalosa ho fana ka bophelo ho setšoantšo sa sebata hore se phele. Ka ho sebelisa puo ea Genese 2:7, boporofeta bo re bolella hore sebata se kang konyana se tla etsa setšoantšo sabata se sebetse ka tsela e tšoanang le eo Molimo ho etsa motho. Ka tšebeliso ea likhoka, batho ba lefatše ba hohelloa ho ananela le ho amohela borena ba sebata.

Haeba Molimo ka bo eena o latotse ho re qobella khumamelong le kutlong, le hore e be o ne a ikemiselitse ho ea sefapanong ntle le ho qobella khumamelo le kutlo, e re bolella eng ka bobbe ba kopano ee ea matla bo tla ba eona?

Letšoao la Sebata

Tšenolo 13 e bolela hore sebata se kang konyana se tla ba le boemo ba ketapele tlokotsing ea ho qetela. Matla ana a ka lefatše a tla theha mokhoa oa ka lefatše lohle o tla tšoantša Bokreste ba mengoaha ea bohareng ka sepheo sa laola bolumeli ba batho.

Bala Tšenolo 13:16, 17 'moho le Deuteronomya 6:4–8. Ho beha letšoao phatleng le letsohong le letona ho bolelang malebana le melao ea Molimo?

Batho ba maemo ohle ba tla qobelleha ho amohela letšoao la sebata letsohong le letona kapa liphatleng tsa bona. Ho amohela letšoao lena ho bolela ho nka lehlakore la sebata. Joalo fela ka ha letšoao le supa bao e leng ba Molimo (Tšen. 14:1), ka hona letšoao la sebata se supa bao rapelang sebata. Letšoao la sebata ha se pontšo e bonahalang ka tsela efe kapa efe. Ho behoa ha lona letsohong le letona kapa phatleng ho ipapisitsoe le taelo eo Moshe a ileng a e fa ba-Iseraele ho tlumella molao oa Molimo e le pontšo matsong a bona le liphatleng (Deut. 6:8). Sena se bolela hore letšoao phatleng le bolela ho amohela molao oa Molimo kelellong, 'me letsohong le letona ka boitšoaro, seo batho ba se etsang.

Khubu ea taba tlokotsing ea ho qetela e tla khumamelo le kutlo molaong oa Molimo (Tšen. 14:12). Molao oa sabatha ka ho khetholoha e tla teko ea botšepahi le kutlo ho Molimo. Joalo ka Sabatha e le pontšo e ikhethang ea batho ba tšepahalang ba Molimo (Ezek. 20:12), ka hona letšoao la sebata ke pontšo ea kutlo ho sebata.

Letšoao la sebata ke tlhaselo e tobileng molaong oa bone. Le sebetsa e le molao o nkelang oa Molimo sebaka. Bopaki bo bohola ba taba ena ke ho thehoa ke batho ha Sontaha (sheba Dan. 7:25) e le letsatsi la khumamelo ho e-na le Sabatha ea letsatsi la bosupa, letsatsi le laeloang ke mangolo. Re khumamela Morena e le 'mopi; 'me letsatsi la bosupa la Sabatha, ho tloha tšimolohong ea lefatše, le lutse e le pontšo ea matla a hae a tlhoho. Teko ea ho fetola letšoao la tlhoho la Molimo Tho le isa letsatsing le leng ke teko ea ho ikhapela boemo le matla a Molimo ka sebele.

Bapisa ketsahalo e ho Tšenolo 13:14–18 le e ho Daniele 3:1–7. Ke ho tšoana ho fe hoo u ho fumanang paleng eo, 'me ho tla etsahala eng qetellong ea nako?

Khopolo e Eketsehileng:

Tšenolo e bontša hore Sabatha e tla ba pontšo ea kutlo qetellong ea nalane. Re lokela ho hopola, leha hole joalo, hore poloko ea Sontaha ha joale ka bo eona ha e bolele ho ba le letšoao la sebata. Sontaha e tla ba “letšoao la sebata” ha batho, ho sa natsoe thetso e teng, ba utloisisitse taba e teng ho khetheng letsatsi la khumamelo, ba etse qeto ea bona e ka ba bakeng sa Molimo kapa khahlanong le Eena. Leha hole joalo, nako eo e ntse etla.

“Ha ho motho ha joale ea seng a se amohetse letšoao la sebata. Nako ea teko ha e so ka e tla. Ho na le Bakreste ba ’nete kerekeng e ’ngoe le e ’ngoe, re sa behelle kathoko kopano ea kereke e k’hatholike. Ha ho ea kotlong ho fihlela ba bile le leseli le ho bona boikarabello ba molao oa bone. Empa hang ho ba taelo e tsoe e qobellang Sabatha maiketsetso, ’me mohoo oa lengeloi la boraro o tla hlakomelisa batho khahlanong le khumamelo ea sebata le setšoantšo sa sona, mola o sehiloe o hlakileng lipakeng tsa ba bao eleng ba ’nete le bao e seng bona. Bao ba tsoelang pele tlong ea molao bat la amohela letšoao la sebata.”—Ellen G. White, *Evangelism*, p. 234.

Ha re hopoleng hore poloko ea Sontaha kajeno ha etse hore motho a lahlehe joalo ka ha poloko ea Sabatha e sa etse hore motho a bolokehe. Nako ea tla, leha hole joalo “letšoao la sebata” e tla khubu ea taba ’me ho khetha letsatsi e tla ba teko ea botšepahi. Tšenolo e ipiletsa ho batho ba Molimo ho nka Bibehe, ’me ka pelo-le moea o batlang ’nete, ho ithuta lentsoe la boporofeta ka bo bona le ho etsa ka matla ohle ho fihlela bao kajeno bas a fihleloang ka Evangeli.

Lipotso tsa Puisano:

1. Ha re sheba maemo a lefatše kajeno, ke lintho li fe tseo u li bonang bolumeling le lipolotiking tse bonahalang li isa phethahatsong ea boporofeta ba Tšenolo 13?
 2. Ha re ntse lebelletse bofelo, boitšoaro ba rōna malebana le Bakreste ba likereke tse ling e lokela ho ba bofe? Nahana ka keletso e latelang: “Baruti ba rōna ba lokela ba batle ho atamela baruti ba likereke tse ling. Ba rapele le bona le ho ba rapella, bao Kreste a ntseng a ba rapella. Boikarabello bo mahlonoko ke ba bona. Re le baromuoa ba Kreste re lokela ho bonahatsa thahasello e tebileng baliseng bana ba mohlape.”—Ellen G. White, *Testimonies for the Church*, vol. 6, p. 78.
- Boitšoaronng ba rōna malebana le Bakreste ba likereke tse ling, ke joang re ka qobang ho bontša moea oo e seng oa Bokreste? Ke joang re ka bontšang hlomphe ho bona le tumelong ea bona e le batho ntle le ho lahla tumelo ea rōna?